



**PONE ATENCION
RIBA
FAKE NEWS!**



WWW.SOLODIPUEBLO.COM



SOLODIPUEBLO@GMAIL.COM

MEP TA CUMPLI Y TA SIGUI TRAHA PA MEHORA PODER DI COMPRA DI NOS HENDENAN

Entrante januari 2025 tarifa di impuesto a baha cual ta
haci fin di luna bo keda cu mas placa den bo cartera



HOBEN CHAUFFEUR J.D (20) HIBA DEN ESTADO CRITICO PA HOSPITAAL

REINA DI CARNAVAL CAMILA VICTORIA FELICIANA & KIZIAH RAS



AVI TROMP DI GIANTS AQUATICS ARUBA TA FIRMA CU UNIVERSITY OF NORTHERN COLORADO!



DAMA IRRESPONSABLE A HIT & RUN Y NO KIER PARA RESPONSABLE Y A BOLBE HUY!



e chauffeur a core bay bandonando e sitio. Pero pa suerte e otro partido a logra tuma e number di e auto cu a core bay.

E seguro a bisa e victima cu e lo sali perdi y e mes carga su gastonan, pero e dama victima a bisa ta un biaha so nan por tum'e haci. Lo ta mihor pa e chauffeur bay warda di polis y presenta su mes eynan pa evita cu polis presenta na su cas of trabao.

Mientras nos tabata trahando e informe aki diabierna merdia e victima mes a busca y a haya e adres di e persona aki y a presenta na su cas na Montaña 19-A. Pa puro suerte a topa cu e sra. Norma Anthony kende



Diahuebs mainta a drenta informe di un accidente hit & run na Paraguana, mesora a dirigi un patruya na e sitio. Na yegada di e patruya a bin compronde cu aki ta trata di un accidente hit & run unda

tabata core cu e auto un dia prome y a causa e accidente. Pero e sra. aki no kier para responsable ni aunke cu a bis'e polis ta na caminda pa eynan. Ela core subi auto y bay for di e sitio.

NA MACUARIMA POLIS A DETENE HOMBER HERIDA CU MAN CORTA




Diasabra madruga algo a sosode na Macuarima unda probablemente lo tabata tin un pelea andando y un persona a resulta herida cu un corta na su man.

Debi na e orario no por a haya mucho informacion mas cu a detene un persona cu a ser deteni y cu su man corta.




Ambulans a presenta y a hiba e sospechoso pa hospital bao custodia di polis.

(Nos lo sigui informa..... Keda pendiente)



CHAUFFEUR NO A REGULA SU VELOCIDAD NI A MANTENE DISTANCIA A BAY DAL TRAS DI E AUTO SU DILANTI NA SAVANETA



Diabierna mainta a drenta informe di un accidente cu hende herida pariba di Club Arias na Savaneta, mesora a dirigi tanto polis como ambulans na e sitio. Na yegada di e patruya a bin compronde cu aki ta trata di un accidente unda unda e chauffeur di un Honda Fit no a regula su velocidad ni a mantene distancia a bay dal tras di e Chevrolet Spark. Debi na e impacto e chauffeur di e Spark a resulta herida. Na yegada di e ambulans nan a atende e dama herida.

PONE ATENCION RIBA FAKE NEWS!


Cuerpo Policial Aruba a tuma nota di e post aki cu ta bayendo rond riba social media.

Pa Cuerpo Policial e incidente aki no ta conoci. Tampoco e victima y of e sospechosonan riba e potret.


E ta simplente un FAKE NEWS. Nos ta manda un mensahe di alerta pa no cay den e trampa di postnan falso manera esaki!

Tampoco share of duna bo informacionnan! Paga bon tino pa cu esakinan.

Warning !! Everyone around #Aruba is being urged to stay alert and vigilant this new season. A dangerous couple, Fred Crawford (43) and Mariel Wayne (36), is reportedly going door-to-door claiming to be homeless and seeking help, only to attack those who offer assistance. On January 3rd, they brutally attacked a 40-year-old single mother with a knife, leaving her fighting for her life ❤️👎. Following this, they hijacked a vehicle from an 87-year-old woman by pretending to be lost on which was her grandson Matthew Stein (3). They are now on the run in her 2015 white Nissan Altima (4-door). This couple is very dangerous. If you see them or their vehicle, do not approach. Immediately call the police. Please bump this post and alert others 🚨



ACCIDENTE NA E CRUSADA PITASTRAAT Y CAYA FRERE ARNOLD DAMA CHAUFFEUR PURA Y A BIRA MAS TEMPRAN



Diabierna mainta a drenta informe di un accidente na e crusada Pitastraat Caya Frere Arnold, mesora a dirigi un patruya na e sitio.

Na yegada di e patruya a bin compronde cu aki ta trata di un accidente unda cu un dama chauffeur pa pura a bira mucho tempran na man robes y a bay dal riba un auto wardando na Caya Frere Arnold.


Afortunadamente ningun hende a resulta herida.

HOBEN CHAUFFEUR J.D (20) HIBA DEN ESTADO CRITICO PA HOSPITAAL



compronde cu e vehiculo aki ta un Kia Rio y cu algun rato prome e mesun auto aki tawata envolvi den pustamento cu un otro auto.

Na e sitio por a scucha hende ta papia cu un di e autonan den e pustamente tawata luz paga.




Agentenan cu a yega mesora a pidi pa ambulance cu urgencia, mirando con e chauffeur hoben tawata den e auto.

Paramediconan cu a yega algun minuut despues, no por a haci mucho pa sake y mester a pidi pa brandweer pa yega y yuda.

Mester bisa cu a dura un poco, prome cu a saca e chauffeur. Nan a logra sake y por a mira cu nan a pone boca abou ariba e brancard.

Prome cu e la wordo hinca den e ambulance nan a bir'e bek boca ariba y unda cu mesora a sali cu ne strit Hospitaal.

E momento ey e hoben tawata for di tino ora cu nan a bay cu ne.



Bernhardstraat - Diasabra marduga pasa di 3'or y mey polis a bay altura di Carnaval Village, unda

un auto a perde control y drenta mondi.

ALGUN RATO PROME

Na e sitio nos por a

Mirando e seriedad di e accidente aki, a notifica tur e departamentonan concerni cu a yega tambe na e sitio. Manera hefe di

departamento di trafico y tambe hefe di distrito 3 cu ta San Nicolas y algun mas.

Na e sitio vocero di polis

Sra. Rasmijn a bisa cu e hoben chauffeur su estado ta critico, door di golpinan ricibi.

Parlamentario Shailiny Tromp-Lee: MEP TA CUMPLI Y TA SIGUI TRAHA PA MEHORA PODER DI COMPRA DI NOS HENDENAN

Entrante januari 2025 tarifa di impuesto a baha cual ta haci fin di luna bo keda cu mas placa den bo cartera



Pagina 3 Afkondigingsblad van Aruba 2025 no. 1

Bijlage behorende bij de Regeling inkomstenbelastingtabel 2025

Ter berekening van de verschuldigde belasting, wordt ter verkrijging van het tabelinkomen een belastingvrij bedrag van maximaal Afl. 30.000,- per jaar in mindering gebracht op het zuiver voljaarsloon respectievelijk het belastbaar inkomen.

De volgens onderstaande tabel berekende belasting over het tabelinkomen dient naar beneden afgerond te worden op hele florins.

Bij een tabelinkomen van meer dan het bedrag vermeld in kolom I, maar niet meer dan het bedrag vermeld in kolom II		bedraagt de belasting voor het bedrag vermeld in kolom III, vermeerderd met het bedrag dat wordt berekend door het in kolom IV vermelde percentage te nemen van het gedeelte van het tabelinkomen, dat het bedrag vermeld in kolom I te boven gaat	
I	II	III	IV
-	34.930	-	0,00%
34.930	63.904	-	21,00%
63.904	135.527	6.084,54	42,00%
135.527	-	36.166,20	52,00%

Den e program Interes di Pueblo dia 11 di januari Parlamentario Shailiny Tromp-Lee a elabora riba e rebaho substancial cu a keda anuncia pa Gobierno riba e tarifa di impuesto. El a elabora riba e cambio, su impacto y a comenta riba e grito di oponentenan encuanto e decision aki.

Un cambio cu tawata den tapara caba

Mirando cu ainda hopi hende no ta compronde of ta haci pregunta Parlamentario Tromp Lee a repasa kico e rebaho aki ta ensera. En corto e la indica cu sigur pa su persona e anuncio no tabata un sorpresa. Desde 2017 Gabinete Wever-Croes a bin ta traha riba reforma fiscal y ya a rebaha tarifa di impuesto den e trayecto aki. Gobierno a traha duro pa stabilisa nos finanzas publico y crea espacio financiero pa inverti y tambe duna bek na nos hendenan cu pa hopi tempo a hala faha mara. Sigur e anuncio aki ta forma parti di e duna bek na comunidad y e

meta di MEP pa bay di impuesto directo pa impuesto indirecto.

Kico e cambio ta exactamente?

E cambio anuncia y cu ta a dreña na vigor di biaha ta encera un reduccion di e tarifa actual di 10% pa 0%, cual ta nifica cu mayoria trahador lo bay paga menos inkomstenbelasting y loonbelasting den aña 2025. Entrante fin di januari 2025 hopi trahado lo bay ripara cu su doño di trabou lo bay wanta menos loonbelasting compara cu 2024 y asina nan lo keda cu mas placa den man ora cu cobra. Alabes door di e cambio den tarifa u grupo grandi di pensionado no lo paga impuesto mes mas.

E reduccion di impuesto entrante 1 di januari 2025 ta encera entre otro, cu e tarifa pa esnan cu ta gana mas cu 30.000 florin y menos cu 64.930 florin e tarifa a bira 0%. Dus banda di esnan cu ta gana 30.000 florin of menos, cual desde 2023 ya caba no ta paga impuesto, e grupo aki tampoco lo bay paga impuesto mas. Alabes esnan cu ta gana mas cu 64.930 florin y menos cu 100.000 florin tambe lo bay paga menos mirando cu nan tarifa tambe a keda rebaha cu 4.5%. Esaki ta nifica cu lo paga 3.493 florin menos pa aña na impuesto, y lo ricibi 291.08 florin mas na salario.

Parlamentario Tromp-lee ta enfatisa cu tur doño di trabou mester aplica e tarifanan nobo ora di calcula e 'zuiver voljaarsloon' di nan empleadonan pa nan por paga menos impuesto entrante januari 2025.

Impacto di e cambio anuncia

Segun informacion cu Gobierno a anuncia e impacto di e anuncio aki ta grandi y hopi positivo pa e clase trahador, nos pensionadonan y pa nos famianan en general. Segun calculo di expertonan, door

Bo entrada ta Afl. 64.930 of menos pa aña?
E ora bo impuesto ta **cero!**

Entrada pa aña	Impuesto 2024	Impuesto 2025	Extra pa aña	Extra pa luna
50.000	2.000	0	2.000	167
64.930	3.493	0	3.493	291
65.100	3.528	35	3.493	291
65.500	3.612	119	3.493	291
66.000	3.717	224	3.493	291

Bo ta cay den e grupo di entrada aki?
Bo tambe lo paga **menos** impuesto den 2025 !

Entrada pa aña	Impuesto 2024	Impuesto 2025	Extra pa aña	Extra pa luna
70.000	4.557	1.064	3.493	291
75.000	5.607	2.114	3.493	291
80.000	6.657	3.164	3.493	291
85.000	7.707	4.214	3.493	291
90.000	8.757	5.264	3.493	291
95.000	10.037	6.544	3.493	291
100.000	12.137	8.644	3.493	291

Departamento di Impuesto

di e cambio, den 12 mil hogar lo tin un total di 16 mil persona cu no lo mester paga inkomsten- of loonbelasting mas. Den 9 mil hogar lo tin 12 mil persona cu lo bay paga menos impuesto. Pues un total di 28 mil persona lo ricibi un alivio fiscal cu e cambio anuncia. Pa loke ta trata pensionadonan, di e 19876 pensionado di SVB na Aruba, un total di 17484 pensionado no lo paga impuesto mas riba nan entrada, y 2392 lo sigui paga loonbelasting na un tarifa reduci.

Gritonan contra di opositornan


Opositornan por keda grita pero MEP ta keda demostra cu nos compromiso ta cu bo y cu nos ta keda traha na bienestar di boso tur na un manera responsabel. E decision di e rebaho a keda tuma responsabelmente, ta forma parti

di un proceso cu ta tumando lugar desde 2018 y ta abase di calculo y conseho di nos profesionalnan. Mas importante e ta na bienestar general di nos trahadornan, nan famia y nos grupo grandi di pensionadonan.


Ta bon pa pueblo sa tambe cu e decision aki ta responsabelmente tuma pasobra presupuestariamente nos por carg'e (20 miyon), nos ta keda cumpli cu nos normanan financiero stipula pa ley y gobierno ta cumpli cu su deber di mehora e poder di compra di su hendenan.

Pa finalisa Parlamentario a gradici y felicita Gabinete Wever-Croes, Minister Maduro y nos profesionalnan di DIMP y otronan cu a traha riba e proposicion aki y haci esaki posibel.

PA FALTA DI PREFERENCIA A CAUSA ACCIDENTE NA E ROTONDE BALASHI BANDA DI DRIVE INN



Diasabra mainta a drenta informe di un accidente na e rotonde Balashi banda di Drive-Inn, mesora a dirigi un patruya na e sitio. Na yegada di e patruya a bin compronde cu e BYD Fo no a para pa duna preferencia na e Toyota Tercel cu tabata riba e rotonde y a bay dal riba dje. Afortunadamente ningun hende a resulta herida.



CHAUFFEUR NO A REGULA SU VELOCIDAD NI A MANTENE DISTANCIA A BAY DAL TRAS DI E AUTO SU DILANTI NA SAVANETA

Diabierna mainta a drenta informe di un accidente cu hende herida pariba di Club Arias na Savaneta, mesora a dirigi tanto polis como ambulans na e sitio. Na yegada di e patruya a bin compronde cu aki ta trata di un accidente unda unda e chauffeur di

un Honda Fit no a regula su velocidad ni a mantene distancia a bay dal tras di e Chevrolet Spark. Debi na e impacto e chauffeur di e Spark a resulta herida. Na yegada di e ambulans nan a atende e dama herida.



Prome Minister Evelyn Wever-Croes:

CONSEHO DI MINISTER HUNTO CU PERSONAL DI BESTUURSKANTOOR A DESPEDI DI SEÑOR HENNY EMAN



Dialuna 13 di januari, net un siman pasa, a tuma luga entiero di ex Minister President Sr. Henny Eman. Riba e mainta aki famianan y amistadnan a pasa Bestuurskantoor na unda a wordo ricibi pa Consejo di Minister y personal di Bestuurskantoor pa asina duna un ultimo honor, rindi respet y despedi di Sr. Eman cu tabata e Prome Minister President di Aruba.

Riba e mainta aki, Vice Premier Xiomara Maduro a hiba palabra den nomber di Prome Minister Evelyn

Wever-Croes dunando un splicacion corto riba e biografia di Jan Hendrik Albert "Henny" Eman. Ela splica cu señor Eman tabata un persona importante den e historia politico y desaroyo di Pais Aruba. Como ex Prome Minister sr. Eman a goberna Aruba den 2 oportunidad entre 1986 pa 1989 y entre 1994 pa 2001. Señor Henny Eman a fayece na edad di 76 aña. Su trabou, contribucion y legado lo keda semper como un parti importante den historia di Pais Aruba. Por ultimo Minister



Xiomara Maduro a duna condolencia y desea famia, amistadnan, y partido AVP hopi forza cu e perdida di nan ser keri.

Prome Minister ta lamenta e hecho di no por tabata presente na e entiero, y ta manda palabra di profundo condolencia na su famia, y su sernan keri cu e partida

fisico di e ex mandatario. Cu Dios otorga su famia y amigonan fortaleza y consuelo den e dianan nos dilanti.

CAMBIA PERSPECTIVA TOCANTE OBESIDAD: SA BO NUMBER Y MIDI BO PESO



AVI TROMP DI GIANTS AQUATICS ARUBA TA FIRMA CU UNIVERSITY OF NORTHERN COLORADO!



Recientemente, Avi Tromp a firma cu University of Northern Colorado, di cual el a obtene un scholarship pa sigui su carera atletico y academico. Avi, un atleta di curason y hopi dedica, a cuminsa landa cu Giants Aquatics desde 2023, ora el a haci transicion di landamento artistico pa landamento competitivo. Den apenas dos aña, e atleta aki a pone mas cu 12 record nacional riba su nomber y a sobresali na diferente competencia internacional, regresando

Aruba cu medaya y trofeo. E bunita logro aki ta parti di e vision di Giants Aquatics y Avi ta un ehempel di con deporte ta habri caminda pa cosnan grandi, si traha cu vision, dedicacion, perseverancia y den ekipo. E gran famia di Giants Aquatics ta sumamente orguyoso di Avi y ta desea Avi tur cos bon den e siguiente paso di su carera. Stand Tall!



S.U.V. TA "REVERSE" BAY DAL RIBA AUTO NA BOEGOEROEI

Diabierna mainta a drenta informe di un accidente na Boegoeroei, mesora a dirigi un patruya na e sitio. Na yegada di e patruya a bin compronde cu aki ta trata di un accidente unda cu un Toyota Prado a "reverse" y a bay dal un otro auto. Afortunadamente ningun hende a resulta herida.



Prome Minister Evelyn Wever-Croes:

“Rene su dushi Wega” a wordo batisa PROME MINISTER TA FELICITA LADY RUTH CU PRESENTACION DI SU PROME BUKI PA MUCHA NA PAPIAMENTO

Lady Ruth ta un escritora y artista cu un trayectoria largo y impresionante

Diaranson, 15 di januari 2025, Ruthy "Lady Ruth" Vrieswijk-Bergen a presenta su buki “Rene su dushi Wega”. Ta trata su prome buki pa mucha na Papiamento y e ta contene cantica y poesia. Prome Minister Evelyn Wever-Croes ta manda su sincero felicitacion pa Lady Ruth cu e ocasion special aki y tambe ta gradici’e pa e bunita contribucion na e desaroyo di muchanan.

Lady Ruth ta un escritora y artista cu un trayectoria largo y impresionante. E

ta un pintor y a participa na varios exposicion na Aruba y tambe como poeta a skirbi obranan den idiomanan Papiamento, Hulandes, Spaño y Ingles y ya a publica 5 buki. Ruthy a dedica su bida na inspira, motiva, informa y trece alegria den e pueblo di Aruba y semper ta contribui cu e herencia cultural di pais Aruba.

Prome Minister:


“Na UNOCA Lady Ruth a presenta su buki cu cancion y poesia, den compania di esnan cu a

yud’e den e trayecto aki, especialmente su esposo. Lamentablemente mi no por tabata presente debi cu mi ta den exterior, pero desde aki mi ta felicita Lady Ruth cu su buki nobo y yam’e danki pa su contribucion na e desaroyo di nos muchanan.


Mi ta gradici’e tambe pa su contribucion continuo cu cultura di Aruba y riba e tereno literario na Aruba, y pa semper stima, kere y yuda promove arte y cultura di nos pais”.



AMBULANS A BAY PA UN TURISTA CU NO TA REACCIONA NA UN HOTEL NA EAGLE BEACH



Diasabra madruga a drenta informe di cu un turista kedando na un hotel na Eagle Beach no ta reacciona, mesora a dirigi un patruya na e sitio. Na caminda pa e sitio e personal di e hotel a purba intentonan pero no a logra. Na yegada di e ambulans nan tambe a pura pero sin resultado positivo. Nan a pidi presencia di e dokter pa constata e morto. Na famianan di e fayecido ta bay nos mas sincero palabranan di condolencia.



ACCIDENTE BASTA SERIO DESPUES DI PERSECUCION CU POSIBEL TIRAMENTO BANDA DI CARNIVAL VILLAGE



Diasabra madrugá a drenta informe di un accidente basta serio banda di Carnival Village, mesora a dirigi tanto polis como ambulans na e sitio.

Na yegada di e patrúya a bin compronde cu aki lo ta trata di un caso di persecucion cu posibel tiramento cu arma di candela. E chauffeur den e

auto lo a perde control bay dal riba un palo di lus y yn mata di kwihi y a keda pega den e ruina di e auto te cu mester a solicita e equipo

di rescate di bombero pa asina libera e victima. Manera a logra libera e victima a transporte cu urgencia pa hospital mientras investigacionnan

a sigui na e sitio. Durante e investigacionnan cu a sigui a logra haya marcanan di tiro di arma di candela riba e auto. Polis a sigui cu su investigacionnan.

ACCIDENTE PA FALTA DI PREFERENCIA NA SERO BLANCO

Diabierna merdia a drenta informe di un accidente na Sero Blanco, mesora a dirigi un patrúya na e sitio.

Na yegada di e patrúya a bin compronde cu aki ta trata di un accidente unda cu e Daihatsu Mira no a duna preferencia na e Chevrolet Trax cu tabata bini na su man drechi cu preferencia. Afortunadamente ningun



Clasificados

SOLODIPUEBLO@GMAIL.COM
CEL. 585 9500

SOLO
Di Pueblo

CEDE DI BBQ DIA DI BETICO Y DIADOMINGO DI 26 JANUARI

NA SIRIBANA 45B DELANTI DI JUMBO RESTUARANT.
MENU


BBQ
MIX
GALINJA
LOIN RIBS
LOMITO
PALO DI
GALINJA, LOMITO y LOMITO/GALINJA
1/2 GALINJA

TUR CUMINDA TA BIN CU SALADA BATATA, MAISHI, PORK&BEANS Y PAN.

TAMBE POR HAJE CU AROOS CON POJO
ETA COSTA EXTRA.

**PA PEDIDO POR JAMA OF
WHATS APP NOS NA 7497071
FELIS DIA DI BETICO NA
BOSO NAN TUR**

AUTONAN A DAL BANDA DI OTRO PARIBA DI SER'I TEISHI



Diabierna mainta a drenta informe di un accidente pariba di rotonde Ser'i patruya na e Teishi, mesora a dirigi un sitio.

Na yegada di e patruya autonan a dal banda di a bin compronde cu e otro.

CICLISTA DI EDAD MEDIO, A DAL ABAO ORA CU BUS A PASA BANDA DI DJE Y BIENTO A BENTE ABAO



Diasabra mainta a drenta informe di un incidente cu hende herida dilanti Wayaca Falls na Wayaca, mesora a dirigi tanto polis como

ambulans na e sitio. Na yegada di e ambulans nan a baha atende e ciclista cu a resulta levemente herida. E chauffeur di e bus a ofrece

e ciclista un lift pa su cas y ela acepta.

Polis na su yegada no a haya nada mas di e susedido aki.

GUARDA NOS COSTA A TENE UN RAZZIA DEN SCHOTLANDSTRAAT



Diabierna mainta Guarda Nos Costa a tene un razzia den Schotlandstraat. Aki a logra detene varios persona indocumenta. Un par lo a core bai pero GNC a sigui nan tras y a logra detene nan.



HOMBER TRAHANDO DEN CONSTRUCCION A DAL ABAO FEY TRAPI Y RESULTA HERIDA



Diasabra mainta a drenta informe si xu un persona trahando den construccion a cay for di trapi den Zoutmanstraat, mesora a dirigi tanto polis como ambulans na e sitio. Na yegada di e patruya a bin compronde cu e persona haciendo trabao di construccion na un dado momento piedranan


































a bin abao y a benta e persona abao. Cu cuidao e ambulans a lanta e homber y a pone den ambulans. Ela ser atendi y transporta pa hospital. Na yegada di e ambulans e persona no por a move.

Na Rooi Master homber di edad a cay kap su cabes formalmente




Diabierna atardi a sangra profusamente, Na yegada di e ambulans drenta informe di cu un mesora a dirigi un nan a atende e homber homber di edad a cay y ambulans na Rooi y a transporte pa mas a kap su cabes y tabata Master. atencion medico avansa.

<div></div> <div>Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com</div> <div>Resultado: Sorteo di Merdia - January 19, 2025</div>		
<div></div> <div>Sorteo # 4512</div> <div>1513</div> <div>7392</div> <div>6163</div> <div></div> <div>X2</div> <div></div> <div>Sorteo # 4512</div> <div>2190</div> <div></div> <div>FP</div> <div></div> <div>Sorteo # 2568</div> <div>4183</div> <div></div> <div>Sorteo # 4512</div> <div>7114</div> <div>Capricornio</div> <div></div> <div>Sorteo # 1386</div> <div>597</div> <div></div> <div>X2</div>	<div></div> <div>Sorteo #</div> <div>0 x Jackpot</div> <div>0 x Match 4+</div> <div>0 x Match 4</div> <div>0 x Afl. 12,00</div> <div></div> <div>03-06-08-24-30</div> <div>Sorteo # 6718</div> <div>0 x Jackpot</div> <div>17 x Match 4</div> <div>124 x Afl. 8,00</div> <div></div> <div>Sorteo #</div> <div>0 x Jackpot</div> <div>0 x match 4</div> <div>0 x Afl. 500,00</div> <div>0 x Afl. 50,00</div> <div>0 x Afl. 15,00</div> <div></div> <div>Afl. 1.000.000,-</div> <div></div> <div>Sorteo #</div> <div></div> <div>Sorteo #</div> <div></div>	<div>Joker</div> <div>Letter</div> <div>Proximo Jackpot</div> <div>230.000,-</div> <div>Proximo Jackpot</div> <div>105.000,-</div> <div>Mega Ball</div> <div>Proximo Jackpot</div> <div>650.000,-</div> <div>Afl. 1.000.000,-</div> <div>Sorteo #</div>

<div></div> <div>Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com</div> <div>Resultado: Sorteo di Anochi - January 19, 2025</div>		
<div></div> <div>Sorteo # 8452</div> <div>2008</div> <div>5106</div> <div>8281</div> <div></div> <div>X2</div> <div></div> <div>Sorteo # 7496</div> <div>6348</div> <div></div> <div>X2</div> <div></div> <div>Sorteo # 2201</div> <div>0849</div> <div></div> <div>Sorteo # 6255</div> <div>7542</div> <div>Virgo</div> <div></div> <div>Sorteo # 1185</div> <div>381</div> <div></div> <div>X3</div>	<div></div> <div>Sorteo # 2561</div> <div>0 x Jackpot</div> <div>0 x Match 4+</div> <div>3 x Match 4</div> <div>201 x Afl. 12,00</div> <div></div> <div>07-11-19-22-28</div> <div>Sorteo # 6717</div> <div>0 x Jackpot</div> <div>12 x Match 4</div> <div>204 x Afl. 8,00</div> <div></div> <div>Sorteo #</div> <div>0 x Jackpot</div> <div>0 x match 4</div> <div>0 x Afl. 500,00</div> <div>0 x Afl. 50,00</div> <div>0 x Afl. 15,00</div> <div></div> <div>Afl. 1.000.000,-</div> <div></div> <div>Sorteo #</div> <div></div>	<div>06-07-09-21-24</div> <div>Joker 15 Letter H</div> <div>Proximo Jackpot</div> <div>230.000,-</div> <div>Proximo Jackpot</div> <div>98.000,-</div> <div>Mega Ball</div> <div>Proximo Jackpot</div> <div>650.000,-</div> <div>Afl. 1.000.000,-</div> <div>Sorteo #</div>

SABIDURIA DEN NOS ALEGRIA

Skirbi pa Ruthy”Lady Ruth” Vrieswijk-Bergen



Nos tin temanan pendiente ketobay pa relata, pero tin biaha ta presenta algo cu nos ta sigui nos curason cu ta dirigi atrobe, den un sentimiento tristo cu e entierro di nos prome Prome Ministro di Aruba Jan Hendrik Albert “Henny” Eman, cu a bay nos dilanti cu edad di solamente 76 anja. Nos lo hasi nos best pa despues si bini cu e temanan cu falta y tambe cu nos relato encuanto e bunita presentacion di Ruthy su prome buki na papiamento pa mucha di scolnan basico danki na UNOCA y Aruba Bank cumpliendo nan di 100 anja. E bautismo di e buki “Rene su dushi wega “a tuma lugar Diaranzon dia 15 di januari ultimo na Unoca. Awe algo di entierro di Henny Eman, aunke tur medio den prensa a cubri esaki caba. Awe nos version di curason.

Como Poeta di pueblo Lady Ruth a skirbi un poema acrostico cortico cu su nomber Henny Eman pero tawata mucho laat den su asercamiento na e comishon y asina e poema aki a sali si publica den Diario y ariba EANews y tambe den Extra Bonaire. Lady Ruth ta gusta sigui su inspiracion di curason y skirbi pa esnan cu bini na su curason. Nos no sa si ela sali den Solo di pueblo, ya cu pa algun siman buscando Solo na algun di e supermercadonan chinees of citgo no por a hanja. Of nan a caba of no tawatatin e dianan ey. Pero, despues cu algun persona na entierro a pidi si mi ta bay recita den nomber di pueblo, mi a logra aserca y hanja tele aruba pa a lagami recitele y cu ela wordo scucha y mira te na Hulanda, ora un amiga di mi a mandami e pic cu ela saca fei di e pantaya di su

television of ta computer. Lady Ruth tawata mucho laat cu su peticion di curason. Pero, nos por comparti e poema atrobe awe den mi relato pa companja locual nos a sinti na e entierro di Henny Eman, awe den felis memoria. Danki na periodista profesional Nilton Lacle di Diario cu a pone e poema den un forma nechi y asina elegante siman pasa. Y tambe danki na Farrah Boekhouth di EANEWS pa su bunita publicacion on line ! Hopi hende presente, hopi mandatario e.o. for di Corsouw y Hulanda. Nos lectornan por a sigui e programa completo na television y varios otro medionan di comunicacion. Varios musico a presenta, e.o. Johnny Scharbaay ariba piano y e artista cu fam Raven a canta e cancion favorito di Henny cu ta “Amazing Grace”. E juffrouw aki a canta cu alma, curason y bos potente ponemi y hopi otro presente bira hopi emocional. Nos flamante minister demisionario sra. Xiomara Maduro a impacta cu su bunita palabranan di e trayectoria profesional di Henny y a duna elogio y aprecio pa tur Henny su bon trabaonan. Ta algo bunita y humano sigur, pasobra con cu bo mire y bire ta contrincantenan di otro nan tawata, principalmente ora di eleccion pa gobierno nobo. Lady Ruth a sintie bon representa como hende muhe cu un lider manera Xiomara. . E mandatario di Hulanda sr. Balkenende y tambe e mandatarionan, tres dama bunita tur tres ex prome minister di Corsouw a papia masha bunita mes di Henny su manera di hiba politica. Pero ta bon so tawatatin di Henny pa papia di dje ! Lider Mike Eman, ruman di Henny, a repasa hopi di e bon trabaonan di Henny ariba tereno politico pero tambe ariba tereno familiar cu atrobe a pone awa na wowo di hopi presente. A reina un paz, un tranquilidad den tur e rumannan y sra. Iris, e bunita esposa di Henny ora a duna nan condolencia. Lady Ruth a sinti nan humildad fey nan bon curason cu respet pa tur. E predicashi pa duna forsa y



consuelo na famia , hiba pa Domi Hazenoot na h u l a n d e s , tambe tawata hopi intensivo y inspirativo mes. Na momento cu Domi a cuminsa papia a lanta un biento un poco fuerte tumbando dos di e kransnan

grandi abao, manera e bos den biento por a bisa Domi, bendicion den bo palabranan di e bida di Henny, forsa den bo predicashi !. Tur bendicion ta bini di ariba y di naturalesa, y asina tambe na Santana ora cu awa a cuminsa fingi fingi cu un regenboog na shelo, mandando bendicion pa tur e curasonnan tristo, pa duna animo pa sigui padilanti. Un shon para nos dilanti a bisa poeticamente cu na shelo tambe nan ta tristo y ta yora. Lady Ruth a pensa na e dushi pinda cu ela yega di come foi cunucu di Henny cu Eda Beijse Kock a trese p’e, Eda cu ta un di e fiel y fuertenan den e actividadnan di e partido berde, semper cla pa yuda unda cu nan pidi’e. Awor Lady Ruth a wak di serca atrobe, con stima e rumannan Henny y Mike Eman ta, y cu ta den Mike tambe pa saluda tur hende sea cu un brasa, un sunchi of un handshake ! Mike tambe ta un cabayero carismatico cu curason grandi, mescos cu Henny su ruman mayor y mescos cu tur su otro rumannan. Mike tambe ta hende di tur hende, un homber di hopi sabiduria cu Lady Ruth a yega di huzga robez. Mi disculpa pa esey . Mike Eman tambe ta un shon di hende cu amor



hopi pero hopi grandi pa su isla Aruba. Nos ta conclui nos relato cu e poema acrostico pa Henny awe dfm. Permitimi condoleer tambe amigo colega den prensa cu su bunita programanan na television VIP Trevor Rosel cu e fayecimento di su bunita y kerida mama, sra. Yolanda Filomena Rosel “Yanda”. Cu sra. Yanda sosega na paz.

Danki pa lesa nos relato di awe, pasa un bon y dushi dia yen di sabiduria den nos alegria !!!

JAN HENDRIK ALBERT EMAN
“HENNY” RIP

H opi stima pa miembronan di su partido berde

E stadista, Lider Politico y prome Prome Minister ehemplar

N iun mescos cu n’e

N os tur awe ta record’e

Y Aruba di luto lo despedi di dj’e

E tambe a traha bon pa su isla stima Aruba

M omentonan tristo cu ta uni su pueblo

A ruba ta gradicido pa tur su bon trabao

N a su Creador di Amor entrega den lus y amor eterno

Ruthy”Lady Ruth”, Aruba Januari 2025.

INTELIGENCIA DI UN MUCHA NO TA DEPENDE DI SU NOTANAN



Aunke cu nos sa cu e inteligencia di un mucha no ta depende di su notanan, manera con nos ta laga nos mes como mayor, impresiona cu e cualificacionnan!

Un excelente ta yena nos di orguyo, un onvoldende of suspension, ta decepciona nos, manera cu e nota aki lo defini kende nos yiu ta y cualnan ta su capacidadnan.

E cualificacionnan escolar ta un forma di midi un conocimiento. Sin embargo, no ta duna cuenta di e esfuerso y e dedicacion cu e mucha a inverti den e proceso di aprendisahe. Tampoco ta demostra si efectivamente e mucha a siña algo di forma consistente. Un mucha cu un bon memoria, kisas ta obtene bon punto.

Un mucha cu un inteligencia distinto den e materia den cual e ta wordo evalua, por haya onvoldende. Sin embargo, den e materia vincula cu su tipo di inteligencia, seguramente e lo ta exitoso.

Inteligencia di e mucha Si. Segun e psicologo y investigador Howard Gardner, den cda persona tin ocho tipo di inteligencia

of habilidadnan cognoscitivo. E teroia di inteligencianan multiple aki, ta reconoci den hopi ambito educativo.

Di acuerdo cu e planteamiento di e profesor Mericano aki, no ta existi un unico inteligencia unico humano. Tin un diversidad di inteligencia, cu ta marca e potencialidad, fortaleza y debilidadnan cu cada individuo tin y cu lo marca su actuacion den distinto escenario.

E teoria di inteligencianan multiple aki, ta permiti balora, compronde y stimula e potencialidadnan di cda mucha, mas leu di loke por midi un indice di conciente intelectual.

Bo yiu tin tur e tipo di inteligencianan aki, solamente cu uno ta mas preponderante cu otro.

E inteligencia di e mucha pa matematica, por yud'e tin bon resultado. Sin embargo, no lo ta igual si e inteligencia pa linguistica of pa deporte ta mas debil. Tur esaki ta pone den evidencia e berdada cu e notanan no ta representa e inteligencia di e mucha.

E tiponan di inteligencia
Inteligencia linguistico

E muchanan cu e tipo di inteligencia aki ta siña skirbi, lesa, conta cuenta of haci crucigrama cu suma facilidad. Su lenguahe orral ta asina bon como esun skirbi. E tin facilidad pa siña idioma.

Inteligencia logico-matematica
Muchanan cu ta resolve cu facilidad problemanan aritmetico, problemanan di logica-matematica, weganan di strategia y experimento. Na esunnan cu e tipo di inteligencia aki ta resulta nan hopi facil resolve pruebanan di conciente intelectual.

Inteligencia visual y espacial
Muchanan cu gusta dedica nan tempo liber pa pinta, gusta resolve puzel of ta prefera weganan di construccion, tin e tipo di inteligencia aki. Nan ta pensa den imagen y dibuho.

Inteligencia musical
Ta muchanan cu ta disfruta, siña y aprecia e cancionnan y musica. Nan ta identifica cu facilidad sonidonan. Nan tin e facilidad pa siña toca un instrumento musical.

Inteligencia corporal cinestesico

SUDOKU

		1	2			6		
	7			9	6		4	8
	6	8		5	4		2	
7	5			4				2
	9		6	8		7	5	
8		6	7			9	3	
			5	1	9		8	6
1		9			2			
	2	5						9

5	3			7				
6			1	9	5			
	9	8					6	
8				6				3
4			8		3			1
7				2				6
	6					2	8	
			4	1	9			5
				8			7	9

	3	8				2	4	
6			9		2			1
		4			8			6
4	7	1	2			3	5	
		5					1	
	8	3				6	7	
		6			1	5	2	9
		2					8	

FORTALEZA PA FAMIA

Scirbi pa Pastor Marcel Balootje.

NOS MESTER TA LIHE, PA CONFESA Y LIHE PA PORDONA

Sin confesion no tin pordon di pica, pasobra esun cu ta sconde su pica no ta prospera.ma esun cu ta confesa lo ricibi misericordia di Dios.

Pica no por wordo scondi pa Dios, pasobra Dios conoce cada intento di nos pensamiento, pero locual nos mester haci ta demostra nos humildad y confesa cual ta e arma mas grandi cu nos tin, pa libra nos for di tur trampa di enemigo.

Una bes nos confesa nos pica nos ta libera for di gara di e enemigo,y nos consenshi ta limpi,y nos tin pas cu Dios y cu nos

mes.

Den nos confesion tin nos bendicion ancra, tambe nos liberacion , pasobra mas nos tarda, e ta hiba nos na rabia y amargura. Pasobra ta para scirbi den 1 Juan 1:9 : Si nos confesa nos picanan, E ta fiel y husto pa pordona nos picanan y pa limpia nos di tur inhusticia.

Den esaki nos ta mira e poder di confesion con grandi e ta pasobra tambe e palabra di Dios ta sinja nos den Salmo 103:3 bisando : Kende ta pordona tur bo inkidatnan , Kende ta cura tur bo dolencianan.

Ningun tin rason pa biba den pica, pica no mester tin gara den nos bida , ni tampoco dominio riba nos bida, pasobra Cristo Hesus a muri na crus pa pordon di nos picanan. Pesey nos tin di arepentí, confesa, y aparta for di pica y biba pa Senjor.

E enemigo ta un abusador, y probechador, kende ta manipula hende, y hiba nan mente na inmoralidad, y abominacion, pasa asina nan permanece den su gara, pero aunke con grave y con mahos e pica por ta, den nos confesion nos ta derota e enemigo y hanja nos libertad den

Cristo Hesus.

Rey David a comete pica, pero e a confesa y Dios a pordone, Saulo di Tarso a comete pica y Dios pordone y a lante y hacie un sirbador di Hesus Cristo, of manera e mes ta bisa un esclavo di Hesus Cristo. E tranformacion di Saulo di Tarso, pa Apostol Pablo, ta solamente Dios por a hacie den su bida. Ta un transformacion di malbado pa sirbido, cu a tuma lugar ora confesion a cuminsa.

Nos mester sinja nos yuinan for di chiki, pa confesa nan picanan, y mantene nan relacion cu Dios limpi y corecto den tur tempo.

Tardansa di pordon ta hiba nos na rabia y amargura pasobra ta para scirbi den Efesionan 4:31-32; Laga tur amargura , furia, rabia,griteria,y calumnia,wordo kita for di boso,hunto cu tur malisia,y sea carinjoso.



Oracion di dia

Un feliz comienso di weekend yena di hopi fe y speransa den nos bon Dios.

”...sino conta e generacion venidero: esta gloria di Señor, su poder, ye cosnan milagroso c’El a haci.” (Salmo 78, 4bc) E Evangelio di awe ta cuadra, manera semper, tempo cu ami tabatamucha. Mi mayornan semper tabata educa mi tocante di Dios, CristoHesus y Spirito Santo. Y un Bijbel no tabata haci falta. Haci oracionta cos di tur dia. Y sin falta bishita e cas di Dios.

Awendia nos ta ripara e generacion di awo, no tin mucho balor pa cuDios. Pero anos a sigui conta nos yiunan tocante di Dios manera nosgrandinan a haci? Anos a siña e hubentud tocante e milagronan ysacrificio cu Cristo Hesus a haci? Of di e donnan cu Spirito Santo tinpa nos? Y anos a tene man di nos yiunan, hibando nan, tur siman, pacas di Dios pa scucha su Palabra? Ban sigui cu e bunita custumber cunos grandinan a haci. Ban sigui hiba e futuro generacion ariba ecaminda cu Cristo Hesus a traha pa nos. ”...pa nan tambe confia denSEÑOR, no lubida Dios su obranan grandi...”(Sal 78, 7) Oracion: Señor mi Dios motiva mi y guia mi, cu yudansa di SpiritoSanto, ariba mi responsabilidad pa conta y educa e generacion nobo di Bo Maraviya. Y inspira nan pa nan sigui conta na e siguiente generacion. Amen.

Gradicimento y Invitacion

Pa medio di esaki famia kier a gradici tur esnan cu na un manera of otro a duna nos sosten, consuelo y forsa durante e tempo dificil cu e fayecimento y entierro di nos defunto stima:



Jose Rosendo Tromp

Boso muestra di atencion ta di hopi aprecio y un gran sosten pa nos. Un danki na un y tur cu a manda carchi, krans, whatsapp, email y a hasi yamada nan telefonico.

Tambe na Aurora Funeral Home pa cu su bon servicio y atencion. Boso muestra di atenshon tabata un gran consuelo pa nos.

Na mes momento nos ta invita famia, bisiña-, amigo- y conocirnan pa compana nos na un Santo Sacrificio di Misa na misa Inmaculada Concepcion; Diabierna 24 Januari Boso presencia ta altamente aprecia